

副務總

銀行

育政

癸卯年

商

MG
F-20319-092
4

務



3 2167 9954 8

商部奏請 旨通飭保商摺

奏為請 旨通飭力行保商之政以順商情恭摺仰祈

聖鑒事竊維泰西諸邦以商戰立國其優

待本國商民無不預以應得之利益保護賙胥俾遂其生至於
之原亦無弗隨時體察偶有不便於商民致妨其生業者必為設法以彌翼之維持之其大要務在劑不
平者而使之平此其商務所以蒸蒸日上也中國自互市以來未嘗不欲仿行其法徒以洋商應享利益
載在約章遇有不平之事領事官即為伸理而華商勢弱力微其氣既不足以相乘且平日與官場隔絕
其情又不足以相孚於是小官吏遂至專用壓力牽掣抑勒種種不平之弊商民有身受其艱苦而不
能言不敢言者敬為我

皇太后

皇上詳晰陳之查洋商販運土貨祇在海關完納子口半稅

領有三聯報單沿途呈驗無論遠近概不重徵而華商運貨出口則逢關納稅遇卡抽釐其所抽納之款
已較洋商所完子口稅為多迥關吏卡員於照章應納稅釐外恒多分外之需索如此畸重畸輕土貨出
口安能有起色此其不平者一也運貨之宜務在迅速往往有一日之差旦夕之殊而貨價之漲落以
倍蓰者邇來內港行輪運貨業經暢行無阻各處關卡委員遇掛洋旗之商船照章速驗放行遇無洋旗
之商船即不免留難需索甚至今日不驗候至明日明日不驗候至後日至於民船划艇更復任意欺凌
華商隱受虧損而無如之何此其不平者二也商人經營懋遷良非易易偶有倒欠涉訟情事自應速為
理直乃近來外省地方官於洋商詞訟尚不至故延時日而於華商涉訟往往積壓稽遲甚或居為奇貨
苛索侵漁無所不至此其不平者三也凡茲數端華商每以相形而見繇繇是洋商中之桀黠者遂得行
其招徠迎斷之計浸而久之華商亦且冒洋籍掛洋旗所沾之利息洋商安坐而均分之是使華人之資

財半險削於洋商之手而地方官吏且日之曰奸商夫以華冒洋誠可謂之奸商矣曾亦思為淵魚有
養民之責者固不能不任其咎也臣等忝膺 簡命綜理商政夙夜兢兢思有以仰副 聖明軫
念商民之至意竊維保商之政不一而其要在辦事之務得其平惟是向來官商隔閡積習已深非嚴
行整頓不足以資挽救應請明降 諭旨飭下各直省將軍督撫通飭各該處地方官嗣後華商販運

貨物經過水陸關卡務須一律迅速查驗放行不准稍有留難需索至商人詞訟等事亦應速為理直毋
得稽延時日藉端索費倘或仍蹈故轍有碍商情應准商民向地方官處告發或逕向臣部控訴一經查
察得實即行從嚴參辦繼之洋商在中國貿易固應照約保護華商均屬子民尤應加以體恤不得稍有
偏倚并不得多方苛派以昭平允而免向隅所有請 旨通飭保商緣由理合恭摺具陳伏乞

皇太后

皇上聖鑒訓示謹 奏

旨通飭保商緣由理合恭摺具陳伏乞

商部奏請派使館人員暫攝各國商務隨員片

再出洋華民工商事業關係商務最鉅業由臣等奏請咨行各出使大臣並飭行海參威商務委員詳細查明分晰開報奉 旨允准在案惟考察商務雖寄其權於領事然必須有諳習商學之人為之掣領提綱斯能鉅細畢舉查外洋各國均派有商務隨員專考求工商事業與一切貿易情形隨時申報本國以資採擇今臣部綜理商政亟宜仿行惟目前經費未充祇可暫以使館人員兼攝其事擬請 飭下各出使大臣即就現在使館隨員中遴派留心商學者一人作為商務隨員嗣後各領事應將所駐各該埠商務情形按季運行呈報臣部一面申呈出使大臣查核至商務隨員應將所駐各該國商務情形每屆年終彙報臣部一次並應將商業利鈍盈虛之故詳著論說寄呈備核如蒙 俞允即由臣部行知各出使大臣遵照辦理所有請派使館人員暫攝商務隨員緣由理合附片具陳伏乞 聖鑒訓示謹 奏

北洋官報

三

第一百四十九册

商部奏請飭各省查報興辦農工情形片

再商務之興以整頓土貨為第一要義中外互市以來出口土貨不如進口洋貨之多非將內地農務工藝貿易轉運諸事實力講求不足以圖抵制近年各省官紳有鑒於此或勸課農桑或創興製造或開學堂以研究新法或設商會以聯絡衆情所有籌辦章程各該省將軍督撫會否奏咨有案臣部甫經設立無感稽查除現在路礦事宜奉 旨歸併臣部應俟該大臣等將案牘移交後逐件查核外其餘各省地方已辦農工等項事宜凡與商務有關者擬請 飭下各省將軍督撫查取奏原案及一切章程報明臣部查核其或現經籌辦尚未奏咨有案及事屬應辦而一時未能速成者亦即查明詳細情形咨報臣部並一面飭屬曉諭紳商各將本境應行興辦農工諸務妥為籌議期於必成庶此後利源日闢土貨日增而商務亦因之有起色矣所有請 飭各省查報已辦未辦農工等項事宜緣由理合附片具陳伏乞 聖鑒謹 奏

願太守思遠上商務局玻璃公司先行試辦造磚稟

竊卑府奉委赴博山試辦玻璃公司稟辭請示曾蒙憲台面諭先據德商北宜格聲稱博山土地甚佳仿西法製造自來水管地溝管等件甚屬相宜將來造成銷路亦廣且購機建廠約費不過二萬金等云 飭卑

濟南報 第六十三號

三

府便中與北宜格考察與辦奉此當即馳抵博山除將玻璃公司位置外先至各窰悉心考察其土質堅凝細膩以之製造自來水等管誠為妙品竊思此物外洋銷用自製有餘即各省租界亦有專廠近如青島已有德商專造之廠若購機與辦專門廣造銷路必至滯鈍恐不合算查視博山土窰做磚既佳其製火磚與化瑠璃管尤為他處所無此等泥質試用沱機製造必能物美價廉利益有三現在鐵路到博修造房屋工程頗廣磚瓦用處必多且玻璃公司建設廠屋用磚甚夥若開廠自製省費不少其利一近時各省機器局所用火磚購自外洋價值昂貴誠改良自製必能通銷且玻璃公司建造火爐必用此磚較購外洋省費可半其利二再化瑠璃確如稍加精練即可化銅查各省製造銅元各局所用化銅確不勝枚舉購諸外洋價本居奇此確製出亦可稍挽利權且玻璃公司將來鑄化瑠璃所用尤為無限省費不止倍蓰其利三凡此三者足與公司相輔而行查此項做磚機器價值約計七千金其造窰建廠約計三千金統計約一萬金足以敷用且造磚等造法現在青島華工能造者不乏其人工價亦不甚大即北宜格所稱製造自來水等管不妨於定購機器時將造自來水等管模子加購全副以備將來定貨可做此項造法青島華工亦能製造實無庸洋人教習況洋教習一員每月薪水非二三百金不可現在經費有限自宜力求撙節節前北宜格願為教習一節似可無須購請方今憲台振興商務凡可以挽利權而開風氣者管窺所及理合稟陳以仰副垂詢殷殷與舉商政之至意如上項造磚與造火磚各節用費既屬無多將來獲利必厚且與玻璃公司大有裨益自應及時先行與辦擬請庫平足銀一萬兩以資開辦實為與利之要務再此項銀兩請於玻璃公司官股項下先為動撥支用愚昧之見是否有當伏候憲臺批示祇遵 批據稟已悉所擬玻璃公司先行與辦造磚等件於官股項下動撥庫平銀一萬兩事屬可行應准照辦仰即出具領狀領取備用繳

撫卹准商部咨職商願請定博山玻璃公司專辦年限行知商務局札

為札飭事光緒三十年七月二十一日奉准 商部咨光緒三十年七月初一日據直隸補用知府顧思遠呈稱擬辦博山玻璃公司懇請酌予專辦年限並附鈔章程呈請核辦前來除批據稟並附呈章程均悉該

員在博山創設玻璃公司稟經山東巡撫批准擬官商合股開辦自爲開闢利源之舉據稱創始維難恐有竊法仿造同時並舉致礙商業等語亦屬實情所請酌予專辦年限應准該公司在博山縣境專辦十年以爲創始之利益即由批准日算起俟期滿時應先報部聲明以清期限再查呈擬章程內開本公司專造玻璃片至博山土倣之貨一概不造等語玻璃片爲博山未有之手藝自應推廣製造嗣後專辦限內所有該處居民土倣器具應仍任聽土人專造不得稍有抑勒該公司既爲官商合股有限公司應遵照本部奏定公司律辦理務宜安速集事以收寔效而挽利權此繳摺存外相應抄錄原稟咨行查照可也等因到本部院准此合行札飭札到該局即便轉行查照此札

8 湖北司道會議漢口水電公司詳文

查漢口與辦自來水一節業經議論多年光緒二十四五兩年分職員歐陽萼等知縣郭步賢等耶中王庭楨等先後三次聯名稟請承辦本任督部堂張查得該員等並無真實股本不過影射洋股希圖漁利無論借名招徠華股未必集事倘以洋股辦成愈覺弊多利少迭經批飭立案不行各在案嗣於二十五年七月又有商董知縣張鼎坤等邀同紳士翰林院庶吉士汪明源等具稟請辦水電公司聲明已有華股的款現銀四十萬兩並無絲毫洋股在內倘日後查出附有洋股情願立即停辦並將呈驗股本銀七萬兩充公並又聲明與貧民生計地方風水均無關礙等語當以該商紳等情詞懇切且既無洋股尙無流弊經本任督部堂張批示准其承辦仍委派張道煜林稽查股分隨時稟報嗣經張道查得張鼎坤等並無絲毫華股全是指借洋股實屬欺朦大當即照案稟請停辦本司在江漢關道任內即將前案詳請註銷此漢口自來水及水電公司先後請辦人員均係空言並無真實資本因而批飭停辦實在情形也司道等查水電兩項利益如食潔免疾便於救火警察宵小各節無人不知誠為地方應興之利無如舉辦之難亦有數者漢口人烟稠密地價奇昂欲於近水揀擇合宜空曠可以設廠之地不獨為費不貲且恐無地可購則擇地難沿江既無地段勢不能不於礪口以上建置水臺而襄河冬令水涸恐有水不

北洋官報

四

第一百五十六册

能致用之愚則造塔難漢口地多沙質房屋鱗次櫛比到處開挖地道塔壁傾圮險工堪虞則設管難漢口向無夜市電氣燈之設止可以便行人未必能求利息漢口貧民太多自來水之興止可以售商家未必能滌小戶查往年浙江省城曾設電燈旋因虧折停止近來上海內地自來水公司六個月之久止取一千九百兩水價不足一月開支均可為前車之鑒則獲利難以上四難詳譯憲台前次札文早已籌慮周詳而外間紛紛稟請承辦之員轉未見及於此惟為地方興利起見即使無利可圖亦當勉為其難及時興辦查上海內地自來水原估三十萬兩此刻工竣費至百萬雖係押借付利緊費稍多然現在鐵管價值及金鑄漲價實非十年前可比漢口地段又較上海為大不能不領始圖終通盤計算司道等公同籌畫非籌有的款一百萬兩不敢冒險從事前奉憲札即擬官商各半為官督商辦之法擬請籌撥官款五十萬兩以為根本再招商股五十萬兩每股百兩常年給以官利六釐以成此舉正在詳覆尙未繕發

又奉外務部咨開前因查工科給事中陳嘉言等稟請創辦漢口水電公司章程內開已經集有成本先行試辦再招股銀二十萬兩等語查已集之銀未據指出數目不知究有若干若憑招股之二十萬兩斷不足以舉辦該給事中等籍隸湘鄂桑梓關心自無不願官商合力早日開辦裨益地方擬即請其將現集之銀來鄂入股由鄂照章填給股票給予息銀合之鄂省擬撥官款庶可衆擎易舉既省鄂省另行招股之勞又免該給事中等獨力經營之苦一舉兩得似較便捷所有遵飭會議漢口水電公司現擬辦法並議覆給事中陳嘉言等稟請承辦情形司道等往返籌議意見相同相應具文詳覆懇請憲台俯賜察核咨覆外務部查明轉飭施行不勝幸甚

候選同知程雲湘擬集股開辦電燈公司繕具章程懇准立案稟并批

稟爲招集股本開辦閩郡電燈公司以保利權而弭火患竊恐 憲恩俯賜批准立案俾得專利事竊查中外通商以來進口貨以煤油爲大宗洎自庚子亂後市廛益闢比戶懸燈則煤油錫鎗之數較諸往昔尤鉅惟津郡市井人煙輻輳稍一失慎卽兆燎原之禍非籌一萬全之策不能有益而無患因思上海設有電燈公司辦理甚屬妥善從無失慎之虞天津事同一律現擬糾合同志出集股本購置電燈機器設立公所名曰閩郡大光電燈有限公司股本以三十萬元爲率先招股十五萬元試辦一俟辦有成效逐漸推廣仍擬將來於餘利之內酌提一成以五分捐入半日學堂經費五分作爲設立工藝廠之需庶幾於經商興利之中益寓育材惠上之意無論公署局所市廛以及民間住戶必須一律通置電燈既較煤油所費無多而光亮異常火患並可因之消弭一舉數得爲益匪淺况當茲商戰日亟津埠又爲商務極要之區利之所在久爲西人所必爭若自來水公司已爲他人先行創辦奪我利權而電燈一項倘不及早圖維勢必落人後乘漏卮更不可收拾我 宮保體念商艱於通商惠工諸大端罔不鑒劃經營咸臻美善但能挽回一分利益卽爲我民保全一分元氣地方幸甚大局幸甚職爲振興商務保全利權起見用敢不揣冒昧並擬就試辦章程二十三條披瀝籲陳伏乞 恩准批示立案遵行實爲德便 計稟呈清摺一扣

批 具稟已悉仰天津府傳見該員查詢確實具復核辦抄稟并章程批發

章程下期續登

商部申明商律內洋商附股字義咨兩江總督文

為咨明事光緒三十年二月十二日准貴督咨稱近年洋商得與華商合股在中國內地營業者惟路礦兩事其設廠製造之利久為洋商垂涎所未得亦即為保護華商生計之要前年會議英約英使馬凱即以此再三要求經劉前大臣等堅持力拒始克於英約第八款第九節載明洋商用機器製造祇能在通商口岸然約內載有明條洋商尙有勾串華商妄圖內地設廠或藉借資本意圖虧蝕管業者今查公司

商律五十七條所載原係按照英約第四款購買股票辦法惟該約第八款內既載有洋商用機器製造祇能在通商口岸則兩事同載一約前後參觀內地華商所設公司不應附股其義自見今商律內僅論附股深慮洋商隱甲各省一時不及領會一經開端即難堅拒不可不杜其漸可否由貴部核明條約申明商律五十七條意義咨行各省一體備查以免誤會除將商律照刊分發外相應咨復希即酌核施行等因查公司律第五十七條一則曰中國人設立公司則凡洋商勾串華商妄圖內地設廠藉詞借款等弊各該地方官即應詳查呈報不容稍涉含混致蹈覆轍再則曰外國人有附股者此無論英約第四款意義相合即歷稽各約欸華商公司無不准洋商附股之專條則公司律不得不顧計及此而著為此條三則曰即作為允許遵守中國商律及公司條例是於不能禁阻洋股之中為挽回主權之計律意顯然本部實深切致意現在訂章定律莫不力求審慎按奏定路礦章程內均載有華洋合股洋股不得過於華股之數又不准以土地抵借洋欸各條蓋深恐權因股重而倒持地以借欸而削弱特明定界限以範之至英約第八款第九節於機器製造一層隱以口岸二字為內地之對鏡當時議約既難明著內地不得製造數字則目前定律豈能顯言內地公司不能附股況此節下文專注在廠稅而公司律五十七條專注在中國人公司可以力保主權則與英約所載不相干涉即合觀詞意亦兩無觸背律取隱括體例所限礙難如約文之可著邊際嗣後如有洋商希圖內地設廠自應據約章以為斷若華公司附搭洋股自應執定律以為衡即在洋商亦斷不能援律文所載以為准其在內地設廠之據是在各將軍督撫濶權濟變操縱有方就約文律意而會其通庶幾主權可保相應咨明貴督希即分別查照辦理毋任臆申而致貽誤可也須至咨明者

創辦天津閩郡電燈有限公司章程○一本公司創辦天津城廂內外閩郡電燈有限公司自立之後不准他人仿設以專利權而固商本業經稟奉 督憲關道並天津府縣各衙門批准開設天津閩郡大光電燈有限公司招集中國商股開辦等因在案同人會議集股設立機廠與辦名爲天津大光閩郡電燈有限公司資本定以三十萬元爲額茲先招十五萬元作爲一千股試行開辦倘事業興隆勢須推廣商董會議安章再行續招十五萬元以爲推廣之資以符定額 一本公司股票之數暫以一千股爲額議定擬照第一條章程辦法每股計通行銀元一百五十元入股者分三批付銀第一批於招妥登冊時每股先付銀五十元一月後由本公司派人知照再付第二批銀五十元均發給收條存証其第二批銀五十元於開局前一月仍由本公司派人知照俟將股本銀交完並繳還頭一批收條以便換給股票息摺其息按每年本公司給帳後憑摺照章支領 一本公司創辦閩郡電燈生意以爲收回利權並防衛火患起見津郡城廂內外因煤油炸裂失慎者屢有所聞若用電燈無漏漲道火之虞至官署會館並各項生意舖戶以及紳商士庶人家均可安設較煤油光明數倍又少火患其法盡善已蒙 批准立案以垂永久 一本公司衆商董公舉候選同知程雲湘爲總經理之人茲假紫竹林布日唯寓處暫作帳房以便安排一切俟擇定津郡適中之地建造公司房間安設汽機廠屋再爲遷移云

三
二
續天津閩郡電燈公司章程○一本公司定章所招之股以銀元一百五十元爲一股無論入股多寡不得派司事工匠差役人等在局充差以防弊竇而免嫌疑所有本公司應聘用各項人役推總董專任其責他人不得干預擅專以歸劃一 一本公司議定總董事一人會辦二人司事工匠學徒差役共五十人一切均聽總董一人主政即洋工師等遇事亦須與總董商辦勿許自專 一本公司聘請法國洋工師正副共二人布日唯美玉專司汽機一切事宜及購買機器電線燈頭等物皆係出自外洋者責成該總工師一人採買均須有保固年限合同如未屆年限機器等物或有殘壞之處惟該工師包賠不與本公司相干寫立合同親筆簽字爲憑 一本公司購買各項物料以便工作除汽機燈頭電線等物外如中國已有之物料儘由中國各處購買不得一概購自外洋 一本公司實爲收回利權起見火油暢銷中國後而西北各省以天津爲最夥荒僻僻壤幾於無處無之迨庚子後接戶

驗令燃燈即此階燈一項核計園郡每日多銷火油至少約在二三百箱之譜各家院內之燈不在其列積日累年此項火油之價爲數甚鉅漏卮之大此其一端若能一律改用電燈其利源無從外溢矣

一本公司選定總董事一人穆雲湘係各股東公舉之人所有本公司生意一切事宜並本公司圖章三顆當面交付總董事收存印用該圖章不准代人作保租房借錢等事以杜後患

一本公司自開辦之日起每屆年終結帳一次如有餘利除一切經費利息外餘者作爲十成分派先提七釐以作本公司之後程專備局內挹注之用再總工師酬謝五釐總理人酬謝五釐同人司事及各匠目等應酬謝三釐再提一成津貼半日學堂之費並擬創辦工藝廠之經費其餘七釐照入股之多寡均分

一本公司每年結帳一次擇期准請各股東並總董事諸人公聚一次以便查閱本年之帳目續議來年應辦各事仍將一年內所辦之事及出入各帳錄清懸挂本公司內以備各股東查閱倘遇重大之事隨時集議不在每年通例之內

一本公司銀錢器具以及應辦一切之事均歸總董事一人經理

北洋官報

七

第一百七十五册

如總董因公他出會辦代理本公司一切公函及支取銀錢貨物如無總董簽字概行作廢出入銀錢均以此條爲憑未完

再瀋天津閩郡電燈公司章程○一本公司應用精明幹練之中國人學徒擬先由半日學堂挑取學習以三年爲限須有安實中保字據方可錄用學滿後以技藝之高下定工資之多寡如於限內自行告退者每月贖罰洋三元按月核算如其無力賠償中保人是問倘有不肖之輩有犯煙酒賭色之事立即革除再本公司中人均須時時講求新法推陳出新以期精益求精該學徒等責成洋工師竭誠教導務使有所實獲倘學有成效於電學一一普通即各處電報電機儘可令該學徒等報效國家以副本公司培植之深意

一本公司雖係經商頗存培養人材振興商民之意茲擬在本公司旁立工藝廠一所以便練習電學各事仍以洋總工師爲教習該廠之經費由本公司餘利項下提一成均分以五分津貼本工藝廠五分津貼各半日業學堂至該廠學徒入數多寡隨時商酌

一本公司開辦後遇有盈餘款項並公積之款除動用外均應存銀行生息所得之息至年終與本公司餘利按股均分倘工藝廠創辦有成得有餘利仍須併入本公司餘利之內按股均分

一本公司無論總董事總

工師及帳房司事工匠學徒差役人等均不准支借錢文 一本公司帳房機器房等處不准留住閑人並局內同人之親友親鄰閑坐致礙工作一概阻謝倘有究心工藝之士藉資攻錯必須到局觀看者於前二日函達總經理人允許方准入局觀看 一本公司將機器購齊造房安線一律開辦後每屆一年結算所收燈價若干除隨時開支應用各項經費外所有餘利再提出各股東股本之息此息擬以七釐為率不能作為永久以得利之年份即為停息之日每至結年帳時核算清楚自入股之日起算共幾年未曾得有餘利即為欠息幾年結帳時應分餘利外補發一年息錢若干當面寫入息摺以清前欠如是過年補還年限一滿即行停止息摺收回一律註銷以後止分餘利並無息款 一本公司入股諸君付銀後不准任意收回倘有事故需用祇准將股票轉售如售安時須先由原購票之人及現欲買受股票之人到本公司用轉售憑單一紙在該單上寫明某年月日轉售者某人及某人受買收照字樣再由本公司掛號聲明以杜轉竊 一本公司之股票如有遺失之時須先赴本公司報明掛號以備查核仍由本人將股票人名號數登載附近各報聲明作廢俾眾週知俟二個月後無人到本公司查問方准照原號補給嗣後如有人持原票寫廢者仍歸原買票本人自理與本公司無涉 一本公司所有議定一切招股開辦章程二十三條詳細註冊以便入股諸君公閱而期事同一律 一此次設立電燈公司事屬創辦或有窒礙之處及未盡事宜應隨時變通以期盡善已完

整頓招商輪船積弊條陳

試用知縣張葵祥稟呈整頓招商輪船條陳三條奉 督憲札飭上海招商局查照酌量採擇核辦以維

商務茲特摘錄如左

一明賞罰以清積弊查往來江海各船全仗買辦得力以廣招徠亦須買辦公正方無私侵海輪停泊口岸不多稽查容易弊端較少惟江輪停泊口岸既繁彼上此下晝夜不分最易舞弊整頓亦難查稟過於周密五更半夜驚醒客商實非招徠之道且與怡和太古鼎足若非買辦得人則利權外溢近年買辦多由營謀而得所以有正副之名正則多不識洋文買得一缺乃雁初通洋語者爲副買辦自不上船終日花天酒地坐待分肥因此弊端百出竟有防不勝防之勢爲今之計只有遴選買辦由空曠嚴於比較將光緒二十七八年江輪海輪各船貿易按月開明總數呈核以備稽查自二十九年正月爲始各輪船買辦能較上年生意加增者留差若一二月之久比較仍然照常先行記過俟至三個月以後再無與即行撤差每船生意至年終綜核若每年能加添數萬至數十萬者當分別予以厚賞如此比較如此賞罰商務必能蒸蒸日上矣 一輪船用人當慎選人地相宜言語通達者查粵人在外謀事歷練日久之大能說官話則語言和靈惟初出門之工人既不慣官話又欠和平接客一派剛強之氣動輒土語傷人如用充水手或司火倉或司機器等事尙能得力若用於帳房茶房等事待客諸多我慢非廣招徠之道現與怡和太古爭相貿易必須鄭重用人嚴查怠惰尤須擇其語言通達勤於照料便於茶水利衷接待能得客歡務使賓至如歸則人人樂上我船方期商務日有起色也 一嚴禁夾帶私貨也查沿江沿海碼頭小本商惟利是圖多與輪船水手茶房人等銷售私貨查其賣貨收錢挑運香銀大錢蓄存以備易此私貨可較街市行錢格外價廉而水手等易得此錢帶往香港澳門汕頭等處售與錫秋機利倍蓰所以近年私錢充斥制錢日見其少也竊擬敬飭 官保嚴禁私鑄之法同船知情不舉之罪若獲得以互相戒勉不但 國寶不致出境私鑄而稅務亦少偷漏也

商務局轉詳撫帥唐榮浩承辦小清河輪船文

爲據情轉詳事案據烟台商董候選直隸州知州唐榮浩稟稱竊今春職董來省面承溫諭爲小清河歸官挑挖飭職董招集商股創辦小輪拖載客貨藉保利權等因仰見振興商務之至意職董無任欽佩回烟以後當即遵諭招集股友議定每股一百元共集一千股茲已如數集成計一千股合洋元十萬故現存烟台緯經堂德和協記時利和等股東處並購定小輪船兩艘現泊津沽合行稟請批准派員查驗一面由職董與各股友議訂各項章程俟章程議妥再行具稟懇賜轉詳批示開辦再前議小鐵路事宜擬疎小輪船公司開辦後再行妥議稟陳又據稟稱榮浩前蒙恩諭將小清河挖泥機盤歸商等包辦一事商等感激無任惟查小清河沿途水淺需挖之處有數十段之多約共不下三十里之長欲全行疏挖非三年不可況泥機開銷費用過鉅榮浩未敢擅自承攬長久包辦務乞恩准先將二號泥機暫歸榮浩試辦三個月並懇賞給每月津貼銀二百五十兩載泥船三四艘藉得稍補巨虧其頭號泥機俟開辦後應否需用查看情形再行稟請諭示遵行榮浩定於二月中來省泥機等件彼時一併接辦可否仰祈恩典格外每月並賞給烟煤數噸以示體恤商人之厚意如蒙俯允榮浩如期派人接辦屆時另行稟報開辦日期理合稟請批示祇遵各等情到局據此除如稟批准並委招商局委員李尙任就近驗明股本暨津沽停泊輪船外其所請二號泥機歸商試辦三個月並給津貼每月銀二百五十兩事尙可行理合據情轉詳 憲台鑒核批示如蒙允准並懇撥飭機器局查照遵辦實爲公便爲此備由伏乞 照詳施行

附生李守純等上商務局邀集友股擬立機礮稟

濟南報

第一百四十七號

六

爲邀集友股擬立機礮開通商業以裕利源而裕國脈仰懇 憲台恩准立案事竊附生等念自口岸既開中外懋遷華洋各國商戰已成然自通商以迄於今四五十年來每每見彼利之盈我利之絀其又何故而論者恒謂外洋舉一事輒底於成立一商其本恒至百萬千萬萬萬不等而且若彼之易何非其國之富厚之所致詎知其公司之法有以善乎其間也公司之法端在集股故設商竟至弗難今 國家度支法細講明財物輒欲以我致之利以抵外洋之利即大有廣濟等各司公觀之豈無致利之明效尤在我中人踵而行之並無論何項商務各期踴躍爭起一蹶而進附生等質本蒼庸愧無補埃上報惟現有候選巡檢翁象

玉博習西學有年至於各種機器頗足擅長業向該員安經商辦擬建設機汽礮局一所開磨麥麪以通買賣該礮專用火輪應由其修建安置並將此間資本已聯友數股除將股長已有允出本銀一萬兩外其餘股夥尙無確數查其意在一俟蒙 憲恩批准後即酌定成數入股附生等擬應集本銀二萬兩方可舉行惟素悉直省天津等處立有機礮多年凡民食軍需裨益正復不少竊查東省城內外軍民所食麥麪不過附近各州縣販運至此一遇陰雨路萍非但昂貴且不敷食是以敢起管見建成此舉有便軍民並冀導開風氣裨補於利源伏念 大人維持商務挽回利權如竟以鳩拙甘藏不思自效竊問天良實有不敢是用集成此舉仰副 憲台宏開商業之至意除擬聯股本銀應有二萬兩外所有修築機汽礮局廠地所併一切應立章程容再夥行酌定伏乞 大人核奪恩准施行

批 稟悉該生等擬建機汽礮局開磨麥麪以通買賣自係爲地方興利起見尙屬可行但事屬創始應先將招集股本銀兩覓具妥保稟候本總局驗明方能核辦仰候傳諭該生等及喬象玉來局見面後再爲定奪可也此繳

●瓊紳與航業 廣東瓊州龍紳聯合本郡士紳會議籌款大興航業具稟岑雲帥請准立案並請設
局保商等情奉雲帥批示云查瓊屬環繞皆海內通港澳旁接高廉外達南洋各埠自海口通商洋船往
來日盛一日祇以華商素鮮鉅資復味遠圖坐使絕大利源因而外溢而南北環海千里風濤險惡盜賊
出沒靡常行旅客商每有望洋生畏之歎該紳董等擬集公司租小火輪來往舖前清瀾榆林各港並租
小火輪來往香港澳門以及南洋各埠果能辦理有成自足挽利權而維商務而輪船通行之後於瓊海
十三州縣商民尤占利涉洵屬莫大之舉惟事體重大非厚集資本經理得人未易舉辦究竟該紳等議
設公司如何章程現已集有資本若干其議租行駛內港外洋大小輪船共須若干往來何處埠頭如何
載運所請設立保商局會否擬有章程如何辦法來稟均未切實聲叙粵省商務彫敝已極本部堂正擬
設法振興惟近日紳商託名公司招集股分藉圖漁利者甚多流弊所在不可不防如果該紳等確為地
方商務公益起見辦理果有把握應即先將現批指飭各節分別妥議章程逐一詳陳聽候查明核奪仰
廣東善後局會同商務局轉飭遵照

山東農工商務局與膠濟鐵路公司議訂代修小清河又路詳文並批

為詳明事案查前蒙 憲台札飭以准外務部咨膠濟鐵路公司請修小清河又路二里有餘應由商務局籌款自造交該公司承辦並與訂定一切庶於商務原章兩無窒礙正在議辦間復據公司函催前來查膠濟鐵路原定章程內載明不准擅行另造枝路此次該公司所請接修又路一段雖與原章不符惟為商務便利起見有不能不設法變通者自東關車站起至小清河南岸止直路雖祇二里之譜若連灣路算計長六里左右自造約需工料五萬餘金又不值招商集股且恐意見參差茲由商務局出資本銀二萬八百八十兩交該公司一手經理作為代辦不失自主利權本司道現與該公司總辦錫貝德等彼此議訂代修及租回條款繕就華文德文合同各一紙呈請 憲台鑒奪咨候外務部核准行令遵辦並請飭下籌款局給庫平銀二萬八百八十兩歸墊實為公便為此備由呈請照詳施行 計抄華文德文合同一紙 今為彼此便通商務起見將膠濟鐵路接修至小清河又路一段公議代修及租回條款訂立合同於後 計開 一此段又路自濟南府東關車站起接修至小清河南岸止連灣路計共長三千米連約合中國六里之數若按直路算祇二里之譜 二查曹州條約及膠濟鐵路專章並未載有此段又路今山東商局奉撫台札准外務部來文以此又路應由商務局自行修築商務局以此路工大小不便獨自起造故與膠濟鐵路公司議明仍交公司兼辦 三此段又路應需地價青苗遷墳費土方橋梁涵洞鋼軌枕板石料工資各項現由商務局籌出膠平銀二萬零八百八十三兩交與鐵路公司承辦但實需之數斷不敷用今公司允以不敷之款公司自行認備仍由公司開報實用清單存局立案 四此段又路太短祇益便通商務難期利息今公司既將此路租回允將商務局所出資本膠平銀二萬零八百八十三兩按照膠濟鐵路六十份股票一樣派息每屆年終付息之時由商務局用印收作為憑據倘股票後有額外利益亦應一律均沾不得兩歧 五此段又路既歸公司承辦所有以後養路修改各費以及來往貨物上下搭客應收車費利益並行車一切章程均歸公司管理商務局一概不問惟遇有便商以益防損之事仍隨時彼此和平商辦 六此段又路倘日後商務局有意收回除已付資本銀二萬餘兩外須照修築時實用數目全行補還公司其如何收回之處可照膠濟鐵路專章第二十八款一律辦理 七將來中國如欲在小清河之處開辦大小鐵路轉運貨物尚須相接此段又路或膠濟幹路及別路必須先與鐵路公司商允後始行接連 此項合同商務局與膠濟鐵路公司議定簽字係用華文德文繕就其中語意彼此相符並須詳報山東撫台批准再各候咨報北京外務部柏林總公司核准以昭慎重如外務部總公司或有改訂之處仍應照辦

擬部院

批來詳閱悉查接修小清河叉路既已籌給膠濟鐵路公司資本銀二萬零八百八十三兩應

准照辦候咨明外務部查照立案並移籌款局如數撥給前項銀兩以資應用此覆合同存

即將每股應得紅利數目隨榜揭明以便各股東按股支取 第五十條本公司在各州縣設有分售股票處每屆付息之期在何處入股者即可就近在何處付息 第五十一條本公司股分每股每年計祇息銀二兩各州縣分售股票處用人無多誠恐付息之時平色高下未能劃一易滋糾葛現由本公司刊刷付息鈔票每紙一兩發交分售股票處按股發給隨時兌取若願領現銀者亦聽其便 第五十二條此項付息鈔票若得息之人以之完納錢糧釐金關稅均一律照收不准推託刁難州縣釐局稅關等處收受之後如積成整數寄至省城公司取銀備作解款以省滙兌運解之煩者亦聽其便 第五十三條入股之人如將股票全行轉售他人者須將息摺一併交與買主赴本公司及分售股票處報明換立息摺給執若未屆付息之期息銀應由售主買主自行劃算本公司不能代為分割 第五十四條入股之人如將股票轉售並未售盡者售主買主須同赴本公司及分售股票處報明將本主息摺批明於某年

七 洋 官 報

一

第五百八十二號

售給某人股票若干仍存股票若干另立息摺與買主分執以後即照數分取息銀其未足一年息銀仍由買主售主自行劃算 第五十五條入股之人如將息摺遺失照第十九條遺失股票章程辦理已完

●山東鐵路新定規條 濟南來函云前因鐵路公司西人每在內地滋事致令村民受屈經省憲照請公司嚴定規條通飭各車站一體遵守現該公司已規定大略如下 一鐵路公司所用洋人應常帶執照用德文華文書寫并須有鐵路公司及中國路礦局鈐記遇穿號衣各巡捕令洋人以執照交驗者即應交出以憑查驗惟洋人中有穿上等特別衣式或戴有上等特別帽子者不必驗照 二穿號衣之巡捕勸公司所用洋人在鐵路界限外或爲彈壓或爲免口角鬧事該洋人須得順從惟巡捕所爲與行車章程不合該洋人亦可不聽 三若有鐵路公司所用洋人在鐵路界限外鬧事或持槍驚嚇民人巡捕理應勸解若洋人不聽即可將洋人送到該管上司處發落若鬧事重大可送到領事處按德國律例究辦 四鐵路公司所用洋人如無緊要緣故打傷中國人民應按德國律例懲辦若受傷至有性命之虞公司應將洋人立刻革退永不復用 五若公司所用洋人強進中國房屋及在房內鬧事或強進菜園

北洋官報

四

第六百六十二册

傷害瓜菜及各種禾稼應即送德國領事衙門按德律罰賠 六不許洋人在村莊街上放槍并不許用槍打狗打貓若洋人無故帶著兵器威嚇民人應送領事官處按德國律例罰辦 七公司所用洋人不許虐待中國民人及車上坐客及中國巡捕等該中國民人及車上坐客及巡捕等亦不得失禮慢待鐵路所用洋人 八若鐵路所用洋人在鐵路界限內拿住竊物賊匪或拿住違犯鐵路規條各罪犯應將該犯送到附近之中國巡捕局或送縣衙究辦中國衙門即可將該罪犯按中國法律辦理仍須告知鐵路公司該罪犯係當得何罪受何責罰 九公司所用各把頭及當用之各工人總應帶一容易辨識之記號 十中國民人或附車各客如嫌鐵路諸色人等作事不端或願公司改革某事儘可稟明公司其稟報之法或自行函稟或託路礦局代達經鐵路公司查明核辦後定行回覆其由路礦局代達者亦即回覆路礦局

督憲袁飭關內外鐵路局設立鐵路學堂札

爲札飭事照得鐵路爲交通要政條理繁重各國皆設有專門學堂凡工程行車以及關涉鐵路之事率皆講求精邃始能創建閎深中國興辦鐵路有年於工學車務輒多營然而各路並學大都聘用西人借材異地其中國人在外國鐵路學堂肄習回華者寥寥無幾現值路政大興不足以資國家之用應由關內外鐵路局先行設立鐵路學堂迅即妥籌經費酌擬各門課程分別延訂教習剋日開辦並詳議章程呈候核定合行札飭札到該局即便遵照辦理具報此札

督憲袁准 商部咨送上海科學儀器館各項目錄分飭購用陳列札

為札飭事光緒三十一年四月初七日准 商部咨開據上海科學儀器館經理陳生虞輝祖稟稱生等前在上海創辦科學儀器館嗣設仿造所自行仿製業於光緒三十年十一月具稟陳明仰蒙批准并飭將仿造各器隨時呈驗在案茲謹選呈力學水學氣學聲學熱學光學磁學電學化學星學地學雜具等器共一百種另附目錄等親自送部作為第一次呈驗之件如蒙俯賜鑒驗尙屬合用可否咨行學務大臣并分咨各省督撫學憲飭知所屬學堂分別購用以期推廣等情并附呈普通理化器械及藥品目錄二百冊到部查科學儀器為各處學堂所必需中國向無專廠製造仰給外洋利源未免外溢該處生仿造以來成器已逾百種查驗均尙合用亟應設法提倡以維實業而挽利權除批示外相應將目錄二冊咨送貴督查照請煩轉飭各學堂嗣後如有需用此項儀器之處即向該館分別訂購可也等因到本督部堂准此除分行外合行札飭札到該館即便查照訂購陳列 此札 計發普通理化器械及藥品

目錄冊一本 札 學務處

●創造算學儀器 長沙來函云本邑童君光繩創造算學儀器經各學堂試驗頗為適用已稟奉學務處批准專利庶價發售

商部批示○編修陳贛請造強水燐膠並立實業學堂繕譯新書稟 批據稟詳閱已悉該編修學有本原思開製造之利源以立富強之基礎具見關懷大局不尙空談深堪嘉許所請集資三萬兩用化學之法取燐取膠以開製造土產風氣成本尙輕易於籌辦自應准予先行立案仰即迅速招集股本妥擬章程一俟股款招齊即將開辦情形詳細稟報又所稱擬集資七萬兩設立強水公司一節誠爲廣興製造之要圖應俟燐膠辦有成效再行籌款次第興辦至條陳設立實業學堂並繕譯新書以爲儲才根柢無事借徑洋文所論尤有見地核與本部奏定章程內擬辦之商務學堂宗旨無異應俟籌有的款酌量情形奏明辦理此批○貢商莊序瑞請造鈔票發交各省行用稟 批據稟暨所陳辦法均悉該商請造鈔票發交各省行用擬每省以二千萬元爲率計年收子息可四千萬左右係爲寬籌國計挽回利權起見急公獻策殊堪嘉許惟行使鈔票必須籌備支兌現銀現時庫儲奇絀諒難措此鉅款所擬由各洋關設立官銀行將所征稅銀備支一節查各關稅收用以抵撥洋款支發解餉尙虛不敷又何從得此大宗開款爲開發鈔票之需體察情形此舉尙非目前所能興辦所請應毋庸議

○湘撫趙批鄂州學生岳景飛稟請開設槍砲藥捐由

值此鐵血交爭時勢日逼欲以血肉之軀與槍砲相搏決無倖勝之理故非廣興製造預爲儲備不足以應事變而保生存滬鄂雖設廠尙不敷用以中國之大人民之衆而僅恃此兩廠其爲危險抑亦甚矣湖省據大江之上海滬粵漢之衝途左顧黔蜀右遙贛皖鐵軌輪路交通極便自應於此設建大槍砲廠以奠 國基以定民志以期有備無患此誠萬事之本本部院蒞湘以來日往復於胸懷而未嘗或釋者也第事體豈大不致輕於舉發昨已與兼署督部堂端商安合辦鄂省土稅膏捐以供常年經費創始之際需款極鉅日不我與斷難再待所派赴鄂考察委員現已回湘亟須遣員前赴外洋購買今年最新槍砲機器庫儲空虛不敷周轉不得已求助於紳富議息借銀一百萬兩已刊刻公啓章程分別勸集惟恐士紳或不諒本部院苦心遷延觀望將所不免時屢於懷今得該學生稟請開設槍砲藥捐並述當日髮捻之役紳富捐輸之踴躍披閱之餘欣悉湘人士好義勇爲咸知 國家與民人之關係槍砲爲保全生命財產之樞紐足見全湘士民共表同情本部院此舉不爲唐突爲欣慰者久之如有慷慨樂輸如當日之蔣紳其人者本部院當破格以獎勵之當此物力凋敝之際紳富亦迥非昔比本部院亦何忍苛派且預計槍砲廠將來獲利必鉅清還本利計日可待應仍作爲息借不必更立樂捐名目有樂捐者仍聽其便果使三湘士民咸以該生之心爲心則此廠必有觀成之日不特湖南之幸亦天下之福也本部院敢望之矣

創設商務半夜學堂○津郡爲北方商務之中心百貨闡集價值之漲落銷行之暢滯非深通商學者不能操奇計贏誠競爭劇烈之商戰場也茲有紀管濤石文軒宋則久諸君借定城隍廟前官立半日學堂房屋創設第一商務半夜學堂擬招各商號聰穎生徒教以修身字課珠算筆算及往來書札商業地理淺近普通學期以二三年畢業已定於本月初五夜開學願入學者可赴針市街元豐裕號報名注冊至未入商號之人而志在經商者亦可報名入學其簡明章程如左 一本學堂擬招學生六十人不限年歲 一本學堂功課時限每晚自八點鐘起至十點二刻止禮拜日停課 一本學堂各發給執照一紙交學生收存每晚携帶來堂如准於八點鐘到堂即蓋印到字如過時限即蓋印遲到二字如有事不來次日到堂於前日下蓋印未到二字以便各號稽查 一各生徒到堂肄業每月每名取學費三角以資經費或由生徒自出或即由各號公項出帳惟學生六十八人每人三角每月僅收洋

北洋官報

三

第四百九十一期

一百八十角於一切經費尙多不敷如有樂善君子仍乞於每月量力捐助以成美舉 一報名學生或有東西路途之不便俟報名後酌量人數再爲就地分設 一各商號或願送學生幾人或願按月捐資若干雖少不妨

金陵江楚編譯書局條具譯書章程並釐定局章呈江督稟

敬稟者竊維作興人才全憑教育整頓教育端在書籍有學堂無教科書何以爲教有書而不能畫一教何以良頃年學堂廣開自省城高等以迄府州縣之中小學亦既次第皆興其特設規格致現擬改併外如水師陸師將備等學堂問其所以爲教率皆依稀彷彿無一定等級之可尋以故高級之書或移授下

北洋官報

第三頁四十一册

級而此校之書並不同於彼校甚有一校之中今年教習用一課本明年易一教習又換一課本而廢前教習之書者其故由於無官頒定本各學堂不得不雜取私家所編譯任聽教習之擇用而外府州縣之稍僻遠者既苦無師又苦無書徒改書院之舊名絕無教授之程式士即稍知改圖各自訪購其所能得不過前所謂私家編譯之書而詭辭邪說遂得以浸入人人之心學術歧而士風爲之一變其患不可勝言前憲劉會同湖廣督憲張創設江楚編譯官書局延聘通儒編譯各種教科書呈由京師大學堂鑒定原以正學術而免分歧開局以來總纂分纂未嘗不力爲其難一意編纂而迄今兩載成書之多尙不足應學堂所需十分之二蓋編纂之書勢難以急就而頓學之士力未能多延以數人所編輯而供考擬取生徒數百人而教科書悉無所定職道經理書局又監督三江學堂統籌全局實切疚心爰與在局總纂總校諸君悉心籌畫以爲日本與學之初其教科書悉取材於西譯而鑒定於文部厥後由學堂教授時經驗屢加更改乃成今日完善之書今官書一局莫若廣譯書而兼編纂譯出之書隨時頒發各學堂由教授時加以經驗而增刪之一學期畢仍令將教習改本送回書局重行編定則數年而後悉成完善之教科書矣夫譯書短期可成不同編著之遲緩祇須籌定款項擇定譯本派多人分譯將來譯費即可於學堂收回就三江師範一學而論照生徒額數派發已有百分之多即不另行銷售可保無慮擲鉅款之虞至書局應編之書仍可照常編輯藉以標明學旨而補助譯書所不備應請憲台飭知省城所有學堂將每年各學應用之書開明書目咨送本局以便照譯庶不至有譯非所用之譏譯成之書即派發省城各學堂應用准其隨時更改惟改本仍須送回書局鑒定至外府州縣應請咨會江蘇江西安徽撫憲通飭各屬學堂由江楚書局出書後隨時頒發俾教科有畫一之規款項無虛糜之患今將

譯書章程並重行釐定書局章程分條開具恭呈 憲鑒即乞核示批飭祇遵(附章程) 一請先通飭
省城各學堂將現在所用書籍及各教科未備之書分別何學級何學年何學科所應用者詳細開單到
局本局先甄別其原有之書合用者為之分門編目作為本局鑒定之書外府州縣學堂有編成教科書
者亦准其呈送本局鑒定立案其未經鑒定者自本局定本頒發後即不准沿用以免趨向而免分歧
一查照各學堂原單未備之書分別緩急後先之序其應譯者大約普通書多可採自東邦專門書或有
需於西譯均應訪購其國最著之本仍由本局詳審選定而後派人分譯以昭慎重 一譯出之教科書
皆可定一學期為一卷陸續付印頒發不必俟全部譯成方行發致以便教授而應學堂之急需 一凡
譯一書成先由本局譯員調取原本與所譯者互相校勘必與原本無刺謬失真之處而後由總分纂副
訂總校訂總校復核刊發 一無論省城及外府州縣官立私立各學堂教習以本局初印之書分課教
授隨時經驗若有宜增刪之處准其隨時改定年終以改定之本仍送回本局由總分纂重為編定彙齊
全部發刊然後遞年呈送京師大學堂鑒定俾書皆實驗課有定程由大學堂核發推而廣之各行省可
期一律 一譯書之人不必拘定其數延聘到局致糜費多而所譯有限目今南洋各埠以及游學外邦
者通譯之士甚多祇須擇定譯和分途倩人承譯計字給值則成書既速而款不虛糜上海私立各書局
譯述之多率用此法惟本局仍宜聘定精通東西文者各一人專司校勘譯本原文之事庶幾核實無弊
一譯書之繁莫甚於名號之不一同一物也同一名也此書與彼書異一書之中前後又復互異使閱
者無所適從京師大學堂暨南洋公學堂章程皆有擬編名物表之說顧迄今未成本局譯書之始宜首
革此弊繼不能舉舊書一一釐正而本局所鑒定所編譯各書應請總校將人名地名編為一表而後按
表以核始能盡一不訛 一圖與書相輔而行不可偏廢地理歷史固非圖莫能明在東西各教科書中
均無不插入各圖以便教授本局亦當延聘中西繪圖師將來經費寬裕亦宜仿繪若外府州縣有能繪合用之標本掛圖
應用之歷史地理植物各標本掛圖將來經費寬裕亦宜仿繪若外府州縣有能繪合用之標本掛圖
者准其送局鑒定立案 一本局譯印成書即按照程度相當之各學堂隨時咨送如省城內官立之江
江師範水師陸師高等農工實業等學堂府縣學堂等均如生徒之額數派發該學堂即宜照局定章程
付回書價至外府州縣官立學堂之教科書應與省城之中小學堂之課程一律擬請札飭各府州縣查
取官立學堂生徒之額數先報本局以便照派其書價即責成各府州縣解繳除按派數收價外其餘仍
登各報告白以便外省及各府州縣民立各學堂購買

徵求寄贈或出資購買應視該品之輕重緩急酌量辦理惟現今經費未充凡過於昂貴之物概不購置如有寄贈者可收入陳列 一凡採取商品必須將其價值產地每年產額行銷地批發價等逐件記明 一應採商品種類如左 工藝類 教育品(凡書籍 文房具 照相具 度量衡測量用具 樂器具) 美術品(凡書畫雕刻等品) 製造品(凡陶磁器 玻璃器 玉石器 金銀器 鐘表 竹木器 漆器 紙 革 牙角等器 各項機器) 機械品(凡織染刺繡等品) 天產類 礦產(凡一切五金礦石及各項化學藥品山鹽礦泉等品) 水產(凡水中所產各項動植物及牙角等品) 林產(凡竹木及木炭等品) 農產(凡五穀 蠶絲 棉花 蔬 果 酒 烟 茶 及各項花草之種子等品) ○遊覽章程 本廠華歷三月至八月每日於上午九點鐘開廠下午四點鐘停止售票五點鐘開門九月至二月則於上午九點鐘開廠下午三點鐘停止售票三點鐘半鐘開門惟每日十二點鐘至一點鐘為午膳之時概不售票但經覽時刻亦有酌量事宜隨時伸縮 一入覽者須於本廠

北洋官報

二

第四百四十一册

售票處購票入門時此票呈驗出門時交於收票者但帶有優待票或特別入覽票者進出門時惟呈驗而已概不取費 一携帶棍子傘或小包者應將該物件交於携帶品收管所收存出門時領回該物 一不得率同犬畜等類遊覽廠內 一非得看護人之允許不得任意撫觸皮設品 一如願買貨品請至售品記簿處面議酌付定錢先給憑條隨後持條備價取貨不誤 一瘋癲或酒醉者一概不得入覽 ○一本廠休息日開列於下 萬壽聖節日下午 每禮拜日下午 自臘月二十一日至正月初五日 上元節日下午 端午節日下午 中秋節日下午 但除此之外當全數更換陳列時隨時斟酌停止遊覽日期另行告白 ○敬再啓者本廠為提倡工藝在外洋原不拘男女均可隨時來廠遊覽惟中國風俗不同茲擬訂每逢禮拜五該日專讓中國女客遊覽其餘日期准男客遊覽以免彼此不便至外國婦女來廠遊覽不拘此例

(已完)

考工新法 ○天津考工廠自總辦員司以下有看貨人作工人由稽查員執照相快鏡考察勤惰不拘何時從窗外攝影而去各工人或方工作或相嬉戲無從諱飾於是傳語工人曰某勤某惰其惰者必辨稽查員乃出照片示之輒面報語塞而退誠絕妙絕新之法也

關

商務大臣伍京卿札商業公所文

為札飭事照得本大臣於三月二十五日奉

上諭通商惠

工為古來經國之要政自積習相沿視工商為末務國計民生日益貧弱未始不因乎此亟應變通盡利加意講求前據政務處議覆載振奏請設商部業經降旨允准茲著派載振袁世凱伍廷芳先訂商律作為則俟商律編成奏定後即行特簡大員開辦商部其應如何提倡工藝鼓舞商情一切事宜均著載振等悉心妥議請旨施行總期掃除故習聯絡一氣不得有絲毫隔閡致啓弊端保護維持尤應不遺餘力庶幾商務振興蒸蒸日上阜民財而培邦本有厚望焉欽此欽遵旋准北洋大臣袁電請在滬開辦商律等因查泰西各國首重商政律例紛繁倘必盡行仿效恐於中國市面情形難免無窒碍之處必須參用中國商規始為允洽茲由本大臣遴派譯員精究西律擇妥編訂而中國於保商一門尚無專條現擬先從滬埠肇端應由商業公所將本埠各行業各公所商人規條議單悉行採訪另錄一分刻日彙齊申送以便與西律匯通考證兩相發明凡有益商家者酌訂入律俾垂永久並著傳諭業商如另有條隙不妨各抒所見繕致該公所隨時申送本大臣閱不虛衷采納藉收廣益集思之效為此合行札飭札到該道等即便遵照辦理此舉為整頓商務起見無稍觀望延遲切切特札

濳司等會詳議覆日本楠原學士條陳農政事宜文並批

爲會核詳覆事光緒二十一年四月二十八日蒙 憲台札開爲札飭事照得本督部堂接准日本農學士爾呈農政條陳一册大意欲設農政機關以統一全省事務中分行政技術教育三大綱條目分明法制美備查外國有地方自治制度各屬農事會所且戶口清析教育普及故能臻此深察目前程度尙非一蹴可幾第一項言各種調查現在農學卒業生不敷分布若責成州縣涉及書差徒多紛擾惟新地林野地荒地調查一節可通飭各屬查明老荒若干援雍正初年旱田十年升科之例以勸種植而廣招徠又博覽共進等會可酌量試辦藉開風氣第二項言農事試驗省城試驗場即是此意若推廣各屬現少專門應俟游學生回國及該堂畢業生日多逐漸分布第三項言農業教育直隸小學課程本有農業一門各屬亦間有專立農學者計維勸設半日學堂以增進農人之智識又栽樹造林尤關緊要前飭各屬舉辦種植應再竭力推行末附增附技師議據稱試驗場尙無專門技師應即精選訪聘俾學製造分析之事應如何添籌經費使農家實行改良仰布政司會同李道采擇籌辦合行札飭札到該司道即行查照辦理原條陳併發閱看此札計發楠原學士條陳一册等因蒙此本署司遵即移會職道一再晤商反覆討論仰見 憲台抉擇精當指示周詳莫名欽佩隨復悉心籌議如奉發條陳原册內開第一項所陳各種調查偷駭行舉辦誠有滋擾流弊惟職道曾奉 憲諭飭令酌派農學畢業生分往各府州縣調查一切土壤種植并農民利害事宜擬於暑假後即行真辦以爲參考之助至勸查荒地一節如照十年升科之例裨益誠非淺鮮惟畿輔旗民交產易滋弊混應通飭各屬察看情形能否因地制宜設法試辦以免放棄地利又農事博覽等會酌量試辦最足爲農民進化第查日本博覽會五年開辦一次所有本國生產農具精粗製造之品與夫各國新奇改良並習慣競進各業無不彙列紛陳互相比較競賽使其耳目改觀殫求進步法至善也我國農學萌芽事初創遽欲如東西洋之規畫周詳搜羅宏富不惟經費浩大抑且難於取材若共進會則以相親相保興利除害舍舊圖新勸勤懲惰爲宗旨然非設學堂試驗場以開民智立農社會以結國民團體則亦無由興辦至品評會種苗交換會則仿行較易應由職道通飭各府州縣剴切勸諭酌量試辦令各村紳民聯絡一氣相與研究一切種植新法並由學堂試驗培養東西各國佳種良苗廣爲分布以資考求又農事試驗場應俟徐爲推廣誠如 憲示所云者又農業教育直隸高等學堂既有農業一門亟應勸設半日學堂以增進農人智識現經職道遵奉 憲諭編輯農

科專書一俟原本告成呈請 鑒訂再由 憲台頒發各處庶半日學堂有所取則當不難於開設又栽樹造林迭經 憲飭各屬舉辦漸有成效應再隨時飭催推廣種植一律講求新法實力奉行無論官地民地凡已栽種者力爲保護未栽種者廣爲勸導務使野無曠土地有森林冀與歐瀛媲美又附增聘技師並令籌辦各節查此項已於上年補原學士條陳奉飭議覆案內詳蒙 憲批一俟籌有大宗的款再行辦理等因現由職道擬以通融教員裁節款項添募東洋專門技師或高等工人二三名以收實行改良之效而前項查辦荒地如果獲有利益即作爲添籌經費徐行增聘技師庶或得一當也總之農學專

北洋官報

三

第七百五十册

科創自歐西東洋因之而我 憲台將斟酌損益以集其成綱舉目張經營匪易積時累日效果堪期除將奉發條陳照錄分存備案仍由本署司等隨時會商認真籌畫以期仰副 憲廑外所有遵飭核議緣由是否有當擬合會同詳覆並將原發條陳呈繳 憲台查核備案俯賜示遵實爲公便再此件係經職道逐條核議函由本署司主稿合併聲明爲此備由 具呈伏乞 照詳施行須至册者 督憲 批據詳已悉應如所擬分別辦理仰即通飭各屬一體遵照原册存此繳

○ 招商局請准中國商民公司更易旗式以昭識別稟

敬啟者竊自各國通商以來海上飄輪往來如織凡其軍艦商船所用爲標誌者國旗之外皆有特別符號之旗如水師統領提督以及分統將領座船旗號各有分別使人一望而知公司商船亦然或一國訂用一律商旗或其公司自定旗式稟由其外部知會各國查照備考蓋一國權望寄於國旗而各公司之旗則藉別於公家亦以彰其商務之盛也近來

朝廷設立商部將大興中國之商務而商民公司旗式尙付缺如上海招商局行用紅地黃月之旗其式又嫌與日本國旗白地紅月者大概相混職道曾經致詢及之據稅務司好博遜查復各洋商家所設公司行棧需用商旗除遇某國之國旗同其式樣在所不准外餘皆不妨聽商各自爲樣等因並送各國旗式圖樣到道伏思外洋著名公司莫不自設旗號所以示識別而昭誠信我國現方整頓商務此節未可視爲緩圖譬如上年開平煤礦公司中英商民爭樹國旗頗費唇舌假使當時設有該公司特別旗誌何至有此是商民公司旗之關係非止爲中國商務維持之表亦即爲中外交涉弭釁之圖職道擬於招商局向來行用紅地黃月月中加一行龍四爪或三爪青色爲中國商民公司一律旗式行龍乃國旗寓龍於黃月之中所以示商民崇奉 國家之意亦藉免與日本國旗形式相混是否可行理合稟請仰祈鑒核批示俾便飭遵並請咨明外務部立案仍照會駐京各公使轉咨各國政府分行水陸各軍一體知照俾知識別實爲公便

批據稟並送到商旗圖式原係慎重徽章以便商輪往來易於識別洵屬有裨商務應准照辦仰即通飭一體遵照候將圖式咨送外務部立案並照會駐京各國公使查照辦理仍候撫部院批示

署江督周奏金陵關商務漸興亟應勘定租界撥款修築以安遠商而便治理摺

奏爲金陵關商務漸興亟應勘定租界撥款修築以安遠商而便治理恭摺具陳仰祈

聖鑒事竊查

金陵設關通商始於光緒二十五年曾經前督臣飭行司道籌議擇於俄鳳門外下關地方量開租界惟彼時商務尚未大興各國亦未派有領事前來駐紮遂爾因循至今未辦近年商務日開英美德日各國均已派有駐軍領事甯滬鐵路接通以後貿易必更繁盛而各國洋商以租界未定道路未修多欲在城內購地租屋開設行棧雖屢經照約駁阻然不早爲之所亦令人無所適從且城內非通商之地市肆雜塵諸多不便更恐啓內地雜居之漸於地方治理亦大有關係臣到任後督同司道親往原定之下關江岸詳加勘度計長五里餘寬約一里內外其地緊臨江岸輪船便於停泊且秦淮水路相通貨物亦便運送應即查照原議卽以此處闢作通商場地無論華洋商民均可在此界內租地造屋開設行棧繫泊船

北洋官報

第六百三十三號

隻又一切均參仿通商各口開埠章程分別辦理惟該處一片荒洲地勢低窪江岸亦微有坍塌目前庫款奇絀雖未能一律造路築岸修墊平坦而最要之橋梁溝渠道路則不得不早自籌修蓋此爲地主應盡之義亦爲安便遠商之道將來設立工巡等事諸可籌辦至界內荒地從前買價極賤近因洋商教士爭買遂至昂貴異常若不速自籌款買留將來華商幾無可立足要路亦不能通暢流弊極多受虧甚大惟以上數端需款太多急切難籌今擇其急應修造之工約略估計亦非十餘萬金不辦查蘇州杭州各處開辦商埠均經奉撥經費十餘萬而金陵則僅經前督臣劉坤一奏明在該關所收洋藥釐金內撥銀四萬兩除以二萬兩交稅務司建造公館外所餘二萬兩因購買關房地基修理蓋船等項早經用罄自非再行籌撥無從措辦合無仰懇 天恩俯准援案仍在金陵關所征洋藥釐金內撥銀十萬兩備支應用事竣開單核實奏報此外凡可暫從緩辦之工應隨時察看商務情形再行酌量推廣以紓財力毋蒙 兪允並請 敕下外務部札行總稅務司委派金陵關稅務司幫同關道妥議章程辦法轉告各領事查照俾中外商民俱獲便益以免他日爭競除咨外務部戶部查照外恭摺具陳伏乞 皇太后 皇上聖鑒訓示謹 奏

外務部商部會奏議覆雲貴總督請在雲南省城開設商埠摺

奏為遵 旨議復恭摺仰祈 聖鑒事光緒三十一年三月十六日准軍機處鈔交雲貴總督丁振鐸奏雲南省城商務日漸繁盛擬請開設商埠以擴利權一摺本日奉 硃批該衙門議奏欽此欽遵到部查原奏內稱近年各省內地如有形勢扼要商賈薈萃之區迭經內外臣工奏請開埠通商如直隸之秦王島滬建之三四都澳湖南之岳州山東之濟南等處均奉 旨允准歷經遵辦在案雲南地處極邊外來商賈本屬無多比年以來蒙自思茅騰越先後開關中外通商貿易漸臻繁盛滇越鐵路轉瞬暢行省會要區商貨尤為輻輳自不得不開商埠以保主權茲據雲南紳士翰林院編修陳榮昌等稟稱省城南門外得勝橋地方為官商往來孔道貨物駢集市廛櫛比且與車站附近應請援山東湖南等省成案就該處開作商埠實於交涉商務利權均有裨益等情前來查所稟係屬實情今昔形勢既有不同亟

北洋官報

第六百五十一册

應援案請將雲南省城開設商埠以便通商而擴利源等語臣等竊維開埠通商固屬中外交獲其益尤貴由我自握其權從前沿海沿江各處俱係約開口岸其租界內工巡等事多由外人辦理迨光緒二十四年總理各國事務衙門奏准在直隸秦王島福建之三四都澳湖南之岳州添開通商口岸實為自開商埠之始上年北洋大臣袁世凱等因膠州鐵路已通至濟南省城奏請在濟南城城外自開商埠亦經外務部議覆奉 旨允准在案雲南雖地居邊遠向來商務無多惟現在滇越鐵路轉瞬即通從此門戶洞開形勢正與濟南相同自應先事籌畫以期振興商務而保主權今雲貴總督援案奏請在雲南省城外開設商埠係為因時制宜自擴利權起見擬請准照所請辦理如蒙 俞允應由該督查照各處自開口岸辦法預備一切事宜俟議妥章程即行奏明定期開辦再由外務部照會各國駐京使臣查照並剴切總稅務司遵照辦理所有議覆雲南省城外自開商埠緣由理合恭摺覆陳伏乞 皇太后 皇上聖鑒訓示謹 奏

撫帥手批某君條陳

竊查東省吏治爲天下第一 育帥精神又足籠罩全省默觀歷辦各事所以超軼尋常者在於條理精密不務虛名與曾文正以少大言多條理無官氣取人者正同宗旨綜觀各事以詞訟緝捕農商交涉理財興學爲最營務巡警限於經費似尙未達極點然以一人纏持庶務斷不能精神一事注故一事得人則一事處理人不稱職則雖令不從東省官場平心而論已屬賢多於否然人之才不才則隨未可強能者也現聞 帥意將有所更張竊見其中有通融補救之法因就所聞列舉其事各系以說以備措置之時連類並及庶幾爲萬一之助焉是亦衣食是方者誼之所應盡耳敢據要旨臚列左方伏乞 採擇 一聞將改課吏館章 查課吏萬事基礎也舊章壞於但課空文新章拘於進士館法竊謂其中有應注意者二 一應令研究各衙署局所之公事(可) 二無一定課本應專重講義(可) 查各國高等學堂以上均無課本以課本但能粗知門徑講義則能詳闡義理也課吏以識治理爲重故云爾 三館中應分三班 一能深究治理者爲一班 二但能粗知治法者爲一班 三才能各治一事者另爲一班(此看日記月考自定) 一聞將設客籍學堂 查風氣之開關於客籍積習之壞壞於客籍客籍子弟風氣積習之難治也有應注意者四 一聯合各會館公籌集資輸值保送稽查之法(已諭各省深董事作保人) 二堂中應附設自新所 客籍子弟之敗理亂倫無人管束者最多大爲世道之累各省皆同東省倡立此所嚴訂章程公議釋年限奏明辦理內分勸善察過習勞講書四司與自強大有關係(此等子弟難保必無應由學堂管束如不受教交保人領回不必設自新所) 三堂中應設手工一科 官幕之資無計謀生流爲下賤者比比皆是手工一科可爲中人以下設法(先習字算再謀實業學問) 四青州德州駐防應另籌循環教授法 查日本循環教法一人可教數班最能普及省費(先應挑選到省養成換班) 一聞將平治街道 查道路爲政治之極觀巡警之專責有應注意者五(此本警察內事) 一宜修石子土路(已議辦) 二宜限制大車入城自責者始 三車較輕重寬窄宜有限制(路成府縣會商董議定) 四城牆宜多開子門(此暫不便) 五宜清丈侵占官街(此舉及) 一聞將整頓巡警 查令行禁止防戩戰奸政治之根源全在巡警中國巡警無弊足矣試求其用若或難知現既以巨款成之有應注意者十 一宜崇其體面視爲弁勿視爲兵(已優待) 二宜識字知理 查各國巡警者中警察業者今能以本省增附生或童試三次以上識字較多能自閱書者爲之少其額厚其儲廉

效(可量力招添) 三各街巷舖宅宜有號數宅姓遷移以時舉報以街巷尋人者能一問巡兵而得爲辦理有效(此本巡局應辦事) 四戶口宜有詳密清冊街巡宜周知一街之人之姓名職業 五關城人之生死嫁娶增減去來巡警宜知之 六圍城人宜分類記其家數人數比較其增減此皆其大者餘可緩及 七巡警不宜專視爲捕盜治獄之用 八另設馬巡精健以備緝捕 九救火宜詳立專章 十各州縣鄉鎮宜由紳辦逐漸推廣此爲治道根本與鄉約可以相通(因無欺現辦保甲即此意) 一聞將整頓武備學堂 查更調得人舊習已知可革然尙有應注意者二 一功課之暇宜講服從並多習野戰 二宜專設講員時時勸動兵弁之愛國心(學堂應由此) 一聞將裁併各局 查立局過多糜費猶未也事權不一人材不敷茲爲可慮現當裁併有應注意者六 一宜節制各營而總建營務處併糧餉善後軍械各局入之(參謀本首領各事皆有專責此尙未明練) 二宜合籌款餉務銀號屯荒爲財政處(收發生意民事亦難併) 三宜合各學堂而總隸於學務處(本如此) 四宜改洋務局爲外務處路礦局入之(不便襲部名此非久計) 五各處宜多設分司以符古人小官多則國治之意(本有移佐雜於鐵路黃河旁近之意) 六宜維持庶政合在省司道而立派辦處查各局緩急不相知事理不相聞官場習爲固然往往遇事抵牾爲外人所笑(此在閱報) 且以在上者一人精神融會全省百密不無一疎有總匯之所(不便辦)以研求於事前(不易辦)各局員司既可彼此相通亦將智力日出若能令各州縣資送選派一二員紳(太多難選)以明白事理熟知地方情形者爲合格常川駐省以備顧問尤爲有益(選名譽紳士在省以時商詢地方事件此即曾文正遺意然人多不願就恐招是非) 以上數端皆就所聞粗舉大綱其條目自有在事詳議施行不復贅舉

〇〇〇湖撫趙奏遼 旨進京 陸見並報卸篆起程日期摺

奏為遼 旨進京 陸見並報卸篆起程日期恭摺仰祈 聖鑒事竊奴才恭閱電抄四月十一

日奉 上諭趙爾巽著來京陸見湖南巡撫著陸元鼎署理欽此旋准外務部電傳 諭旨趙爾巽

著迅速來京湖南巡撫著張紹華暫行護理欽此跪聆之下欽感莫名伏念奴才一介迂儒屢蒙 簡拔

歷官中外勉效馳驅前於光緒二十八年十二月在護山西巡撫任內蒙 恩補授湖南巡撫

旨即赴新任受事以來瞬逾一載回念初到之時邊防正緊新政初興默察救時弭盜之方不外察吏安

民為本用是首除壅蔽力去煩苛民氣常伸自不為邪說詭詞所惑官方待整更急於育才興利柔剛別

淑慝以端步趨創諭傳以杜譸幻廣工藝以安游惰勸宣講以勵顯愚凡此老生之常談已竭平生之思

慮目下在官者多能振奮猶恐未盡夫激揚矯學者力戒尊張無時不勉以忠義以及邊防尚諱民教煽

安疆利可資學堂漸廣皆仰賴 如天之福或接踵前人之規本無成效可言又皆端倪甫啓而武備

未能自強伏莽難言悉端民智未能驟進流弊不可勝防正切臨深履薄之思欣遂就 日瞻 雲之慨

當將經手事件趕緊清釐於二十六日將湖南巡撫關防並 王命旗牌文卷等件移交護撫臣張紹

華接收祇領任事奴才即整裝於本月二十七日起程北上 闕廷在望 訓誨欽承忝維深馳依

尤切所有奴才遼 旨進京 陸見並報交卸起程日期謹恭摺具 奏伏乞

皇太后 皇上聖鑒謹 奏奉 硃批知道了欽此

和衷共濟○黔撫李仲山中丞經義奉命調撫廣西不日啓節赴任茲悉其先行電致桂撫柯巽庵中丞
達時文云柯巽帥鑒桂事糜爛幸公經營整頓漸有端倪復以勤勞致病事機至此奈何奈何公與義雖

濟南報

第六十五號

六

無深交然謀猷宏遠夙所敬服此次到桂肅規曹隨凡有設施一如公日梧桂及上海銀號創設不易票
款萬勿收回我輩爲國籌濟向不拘執經手之說局中委員各事乞飭照舊認真經理做處無員接辦諸
事均資熟手至禱調桂各員經公賞拔自必各有所長乞爲慰留公調之員卽義調之員保護維持惟義
之責量才任使決不使後日流落瘴鄉義昨到黔未帶幕友此次赴桂亦仍公舊幕望爲代留如他日公
晉兼圻各員友等思歸舊帥亦不敢相強義亦苦病實非治桂之才惟 朝命嚴迫不敢久延現在趕緊
調治就道大約六月准可成行擬取道古州入梧尋便路察看匪勢自願孱弱深懼難支先事之節諸乞
賜教不勝切盼謹宥印

奏議錄要

政務處議擬經濟特科考試章程摺

聖鑒事光緒二十七年四月十七日

政務處 奏為遵 旨酌擬經濟特科考試章程恭摺仰祈 聖鑒事光緒二十七年四月十七日

欽奉 慈禧端佑康頤昭豫莊誠壽恭欽獻崇熙皇太后懿旨為政之道首在得人况值時局艱危

尤應破格求才以資治理允宜敬選 成憲照博學鴻詞科例開經濟特科本屆會試前舉行其有

志慮忠純規規遠學問淹通洞達中外時務者各部院室官及各省督撫學政出具考語即行保荐

並著政務處大臣擬定考試章程前旨辦理等因欽此又六月初四日御史陳秉慈奏保荐經濟特科請

飭破除成說慎首一摺仰奉 上諭著各部院室官及各督撫學政於保送時虛心採訪果係物望素

孚確有實學者方准保奏等因欽此仰見 朝廷逾格求才循名責實之至意竊維特科之試以待異

等之才 國朝兩舉鴻博詞科得人號為極盛查第一次以康熙十七年正月奉 旨乾隆元年九月集試前後已逾四十年是以

集試并未甫逾一年第二次以雍正十一年四月奉 旨乾隆元年九月集試前後已逾四十年是以

雍正十三年二月十一日兩蒙 特諭飭催敬懇 先朝旁求若渴 訓詞深厚薄海同

欽經濟特科之舉奉 旨將及一年僅前廣西巡撫黃槐森保荐一人前安徽巡撫王之春保荐四人

其餘尚未有應 詔書者方今時事多艱人才尤亟各部院大臣及各省督撫學政等均有以人事

君之責務周諮訪各舉所知應請 旨飭催認真遴保如期至京毋再觀望因循用副 朝廷

敬選 成憲激勵羣才之盛典至考試但較一日之短長而保舉則關平日之賢否荐章一出中外

共聞該大臣等自不致曲徇人情顯違公論果有濫保非人等事自有吏議專條茲謹酌擬考試章程七

條開列清單恭呈 御覽如蒙 俞允即由臣等咨行京外各衙門一體遵行如有未盡事宜仍當

隨時奏明辦理所有議擬特科章程緣由理合繕摺具陳伏乞 皇太后 皇上聖鑒訓示謹奏

謹擬經濟特科章程繕列清單恭呈 御覽

一經濟特科與古賢良方正直言極諫等士先器識而後文藝自應以行已為先兩次博學鴻詞科康

熙十七年正月

聖諭則曰學行兼優雍正十一年四月

聖諭則曰品行端醇此次欽奉

懿旨

上諭以志慮忠純物望素孚為斷應責成該大臣等凡所荐舉均須察明素行廉正不干清議者方准列保庶不至有資緣干進等弊

一鴻博之舉在選詞臣故入選者均改翰詹官現官翰詹者均無庸列保現在經濟特科以通知時事為

北洋官報

六

要與詞科取才略異自不能限以一途今自京官五品以下除京堂翰林讀講科道外官四品以下除現任世缺道府外其餘各員已任未仕及舉貢生監布衣一體准其保送均令於本年十二月以前到京取齊候試

一宋鴻博科分三等上等轉一官選人改秩無出身人賜進士及第除館職中等無出身人賜進士出身下等賜同進士出身許召試館職 國朝兩試鴻博均分一二等經濟特科照成案列為一二等至應如何分別 賜予出身改授京職外任或發往各省當差出洋游歷其有出身人員量加升轉俟引

見後恭候 聖裁

一康熙鴻博特科試一場乾隆鴻博特科試兩場元年九月二十六日第一場二十八日第二場二年七月補試十一日第一場十三日第二場經濟特科自應照乾隆成案分試兩場俾得各盡所長以昭詳密其第一場至第二場舊例只隔一日應俟查明與考人數多少開卷遲速臨期酌定

一鴻博特科康熙十八年在 太和殿前考試乾隆元年在 保和殿內考試近科 殿廷考試均在 保和殿內經濟一科恭逢 臨軒策問體制宜崇一切事宜均擬仿照 殿試畫章辦理

一乾隆鴻博特科第一場試以賦詩論各一第二場試以兩策補試第一場試以兩策第二場試以賦詩論各一經濟特科自無庸試以詩賦應請第一場試歷代史事論一篇第二場試內政外交策兩道以規學識務去浮華

一政務處總部會奏變通科舉章程申明嗣後各項考試但期字畫端整無庸刻意求工並准其添註塗改等語經濟特科對策應即照此辦理所用試卷照鄉會覆試卷式酌增頁數俾得暢所欲言

○管撫張批文水縣違諭懲辦劣書請示由

查該縣已革書吏郝基長藉官害民架唆詞訟擲噓良懦鄉里飲恨經本部院訪查有據面諭該令到任查拿究辦茲據稟稱該革書招搖唆訟詭賴滋事並經卷查歷次被控逆母滅嫂欺良負義架捏恐嚇等事至七案之多似此不法益胥惡跡昭著在地方一日即地方受一日之害亟應嚴速懲辦以安良善無庸再事招告亦無庸逐案質訊轉滋拖累仰即選用頭號大枷將該革書郝基長枷示警前聽其自斃病斃之日具文通報查考如有疏脫惟該縣是問切切切

○管撫張批檢社縣稟開學情形並請派委大員督辦由

查前因該令稟辦學堂章程既多疎漏經費又無常款且與威令原稟相異是以批令逐細詳覆茲閱來稟語多偏激一則曰文風彫敝農多士少學堂初設功效甚遲是以學堂為不必辦也再則曰地不生材人不好學民風吝嗇莫解樞鑿是謂該縣學堂終無可辦也甚至所設蒙學自謂因陋就簡學堂係奉旨辦設實為當務之急顧可聽其簡陋乎要知學堂巡警並屬要政雖處兩難之際應籌兼顧之方何得以籌款之難輒謂富而後教意在將學堂緩辦至於威令稟提舖捐係經前護院批准之件該令果能另籌學堂經費原不必與威令從同若一味敷衍目前則與威令何以大異况學堂乃地方官專責即無上官督責亦應切實舉行僻陋之區振興尤亟乃該令前稟毫無實際一經飭令詳覆輒妄請遞派大員赴

北洋官報

三

第一百六十八册

該縣督勸紳富然則該令所司何事又何用此地方官為耶至查隱漏鹽稅一節是否不至擾累仰逐州查明稟覆並轉飭知照繳摺存二稟粘發

江甯高等學堂總辦胡批本堂學生王淮琛等稟監造工程不力壓死人命請詳辦由

據稟閱悉前日學堂樓塌慘禍情形爲本總辦所目擊陳生之死至於額領鼻陷慘不可言此外受傷諸生雖輕重各有不同而已損骨剝膚震動臟腑非亟施診治安心調養不爲功該生等輕去其鄉遠難父母妻子來寓就學日教日養一惟友師之是賴誰無子弟而令橫遭覆壓如此其慘乎本總辦自媿德薄不能庇蔭諸生潛消災厲撫躬內疚無地自容至於章直牧邦直身膺監督要差本總辦以其曾邀特保歷署繁區平居又以與學自任度其人心好名好名者必不近利是以委辦學堂要工凡估價請款悉照所請從無絲毫駁斥銀款由伊在收支委員處自行支取並未假手吏胥決無絲毫剋扣本總辦既加優禮任之又如其專宜何如潔已盡心共襄公事乃竟偷工減料釀此奇災人之無良莫此爲甚昨經藩司派人查驗所折樑木乃係尺寸不足補短絮長勉强締構又據上江兩縣傳訊木工供稱該工但祇包工並未包料該直牧儉減草率之咎百喙奚辭言之殊堪痛恨頃奉督憲面諭現在工作繁興亟應懲一儆百況乎人命至重公論難認若不詳請嚴參無以儆戒將來更何以慰死者於地下仰候會同藩司詳請督憲奏參革職從嚴查辦除勒令繳價賠修外仍予以應得罪名決不稍從寬貸已死陳生沈潛好學的是美才埋玉樹於土中使人情何能已本總辦批覆未竟而已涕泗洑瀾矣痛哉痛哉此繳

山東籌款局批土藥官行請設公司稟

據稟已悉省城私土太多有礙該商等銷路自係實在情形所請設立公司查緝私土並提私土變價三
成作爲公司經費各節均屬可行已由局擬定章程出示嚴禁矣至擬自雇巡勇梭巡私土尙恐易滋流
弊本局原設有巡勇十名應由該商等會商實力查緝並准隨時查有私土知照局巡指拿較爲妥協其
緝獲私土分別有無印花酌定全數罰半充公已足示懲所請再加十倍議罰之處殊非情理礙難照准
仰即知照

以導之不可四庫提要於諸門略具矣惟書類繁重童蒙憚焉近者如南皮 張宮保之翰軒語書目咨問仁和葉瀚之讀書要略有條有理層次井然洵便初學今宜仿此例蒐萃中外古今羣學源流彙編成書以普教清則學者依此庶於中外學術有塗徑矣（未完）

○南榮縣樂昌校士館掌教學人陸維李稟請整頓編譯廣分門類嚴定體例由續二百三十五冊

請言體例一曰禁重複同一書也此局譯之彼局又譯之或前人已編已譯之書後人又從而編之譯之一書數出名異實同如往者製造局所譯化學鑑原同時譯者凡有四本近年南洋所編澄衷蒙學字課北洋又復重編諸如此類指不勝屈廢日虛時良可嗟嘆今宜定一通例凡官局私家擬編擬譯之書先期互告公認名目呈之京師譯館請 旨遵行則各相避就無取駢拇亦豈一之遺也二曰加筆削泰西有用之書格致政事兩途盡之矣中國舊譯西書偏重格致一門政事之書鮮有留心即間譯成政事佳本而譯文拖沓不可讀者亦復不少凡此之類儘宜重加刪訂繁者汰之略者詳之如同文館舊譯之富國策而時務報有直譯之本廣學會舊譯之泰西新史攬要而湖南有刪節之編皆與原書曉暢數倍

北洋官報

二 第二百三十六期

亦一道也三曰定名號縮譯新書最忌名號參差同一人名同一地名此書既與彼書異一書之中前後又互異如德相卑士麥克或又譯為學斯麥洲名亞美利加或又譯為亞墨利加凡此之類不可紀極讀者病焉今宜定一通例凡譯名號均以先出譯本為主續譯者無取更張即間有聲讀之誤亦當沿用蓋人名地名只為記號而政求其舉此號而讀者知為何人何地足矣右於言釐正反亂人意也四曰諧聲音中土之聲音五方雜處各有不同以中例西更多歧異前譯之書大半各以土音泰合西音故所譯名號不能一致今宜仿遼金元三史國語解之例公定名目列成中西合璧表中以京語為主取其天下通行也西以英語為主為其舊譯多用也自是以後凡譯一書其名號為舊譯所無者均以此表為定不得擅自更易則譯者讀有所據矣五曰辨名物人名地名小過記號之用譯音已足至若一器一物之微僅取其音多有未合蓋以中西名物各有不同有為泰西所有中國所無者有為泰西所無中國所有者有為中西俱有而為用各異者今宜博采泰西名物如六十四原質之類及權衡度量詳加考據其為中國所有者則用中名其為中國所無者則用西音譯出名之臚列中字西字定為一表後之譯者皆當

按名查表先後一律庶不至名實相背迷人心目矣此十端者不過爲整頓之始基辦法之根本至若門類之精深細密體例之審慎周詳尤必設譯學以養譯才選譯才以任譯事然後可以融會中西斟酌至當以盡編譯之能事舉人本習西文本親西籍率其慮見豈有所富但念學堂備設教育無書備術士風因之不競用敢冒昧上以敬效愚者十慮之一語曰狂之言器人擇之故忘其譎陋獻其芻蕘惟我宮保采擇爲否有富融詞 鈞裁慶叩 崇安伏所 垂鑒舉人維李謹稟

